

Na osnovu Ugovora o saradnji broj 02-49-7333/18 od 19.12.2018. godine potpisanog između Grada Zenica, FB Mont d.o.o. Slovenija i preduzeća Fuel Boss d.o.o. Zenica, u cilju implementacije Projekta „Podrška zapošljavanju u metaloprerađivačkoj industriji u Gradu Zenici u saradnji sa privrednim subjektima iz dijaspora“ koji se implementira u saradnji sa Vladom Švicarske i Razvojnim programom Ujedinjenih nacija (UNDP) u okviru realizacije projekta "Dijaspore za razvoj", sufinansiranim od strane Vlade Švicarske, Grad Zenica raspisuje:

JAVNI POZIV
za učešće u programu unaprijeđenja kvaliteta radne snage u
metaloprerađivačkom sektoru u saradnji sa dijasporom

I

Projektom je predviđen transfer znanja i tehnologija u specijalističkim metalnim zanimanjima u saradnji sa dijasporom, što za krajnji rezultat treba da ima povećanje konkurentnosti nezaposlenih osoba na lokalnom tržištu rada i povećanje stope zaposlenosti mlade populacije ljudi.

Predstavnici dijaspore će učestvovati direktno u kreiranju programa stručne edukacije za metalna zanimanja i njegovom sprovođenju u okviru privatnog preduzeća Fuel Boss d.o.o. Zenica.

II

Program podrazumjeva:

- Sticanje znanja i vještina kroz stručnu obuku za obavljanje složenijih poslova koji su srodni osnovnom zanimanju preduzeća Fuel Boss d.o.o. Zenica;
- Programom stručne obuke obuhvaćeno je zanimanje zavarivača i bravara/cjevara, odnosno zanimanja i tehnologije čiji su nastavni planovi i programi usklađeni sa standardima EU iz ove oblasti;
- Program obuke će biti podijeljen u dva kreirana programa profesionalnog usavršavanja;
- Program obuke će biti organiziran u 4 ciklusa, po 2 mjeseca (ukupno 160 sati);
- Završni ispit će biti organizovan nakon svake pojedinačne obuke, poslije čega će učesnicima biti izdata Potvrda o realizovanoj obuci.

III

Pravo učešća imaju:

1. Osobe sa završenom srednjom stručnom spremom;
2. Osobe koja imaju prebivalište na području Grada Zenica.

Prednost pri odabiru će imati osobe:

- Koja se nalaze na evidenciji JU Služba za zapošljavanje Zeničko – dobojskog kantona-Biro rada Zenica;
- Koja imaju diplomu srednje stručne spreme (III stepen) iz oblasti metaloprerade.

IV

Planirana sredstva za realizaciju kreiranja i implementiranja programa stručnog usavršavanja zainteresiranih osoba za specijalizirane poslove u oblasti metaloprerađivačke industrije su obezbijeđena kroz fond projekta "Dijaspore za razvoj" i istim će biti obuhvaćeno 40 osoba (nezaposlenih i zaposlenih) od kojih će 15 dobiti novo zaposlenje u okviru preduzeća Fuel Boss d.o.o. Zenica, nakon provedenog programa obuke.

V

Osobe koje žele učestvovati u ovom programu dužne su:

- Podnijeti aplikaciju u roku predviđenom u javnom pozivu (aplikacija se može preuzeti na web stranici Grada Zenica, www.zenica.ba i u Službi za privredu i upravljanje razvojem Grada Zenica, Trg BiH 6, 72 000 Zenica);
- Uz aplikaciju priložiti ovjerenu fotokopiju lične karte ili CIPS prijavu boravka na području Grada Zenica, ne stariju od 6 mjeseci;
- Original ili ovjerenu kopiju diplome o stečenoj srednjoj stručnoj spremi;
- Za nezaposlene osobe - potvrdu da se nalaze na evidenciji JU Služba za zapošljavanje Zeničko – dobojskog kantona - Biro rada Zenica;

Kandidati koji budu odabrani naknadno će morati dostaviti ljekarsko uvjerenje o sposobnosti za rad prilikom zasnivanja radnog odnosa.

VI

Javni poziv ostaje otvoren 15 dana, odnosno od 04.03. do 18.03.2019. godine. Nepotpune i neblagovremene aplikacije neće se uzeti u razmatranje.

VII

Aplikacije, sa potrebnom dokumentacijom, podnose se neposredno na protokol Grada Zenica ili preporučeno poštom na adresu:

GRAD ZENICA

„Službu za privredu i upravljanje razvojem Grada Zenica“

Trg BiH 6

72 000 Zenica

Bosna i Hercegovina

Prijava na Javni poziv „Podrška zapošljavanju u metaloprerađivačkoj industriji u Gradu Zenici u saradnji sa privrednim subjektima iz dijaspore“ - NE OTVARATI

Na poledini koverta obavezno naznačiti ime i prezime, adresu i kontakt telefon.

Sve dodatne informacije i pojašnjenja u vezi sa Javnim pozivom se mogu dobiti na broj telefona 032/447-693 ili na e-mail masa.skrbic@zenica.ba.